

Тоомсрта малчир

Онъгрсн джилин зунар тѳр-скн газртан ирдж, Яшкульск района, Ленинә нертә колхозд ур Чеколданов Эрнджән Дорджиевич кѳвүтәгъән кѳдлджәнә. Ода Эрнджән 76 күрсн наста, тер бийнь цогцнь чанъгъ-чиирг, бригадин гардврин заавриг хәрүцлго кедж күцәнә. Кѳдлсн 5—6 сарин эргцд эн ѳвгн күч-кѳлснә 250 ѳдр шинъгәв.

Эн ѳвгнә кѳвүн, дәнә ин-валид, зоотехникин сургъульта Чеколданов Оди колхозд цармуд хәләлгънд кѳдлджәнә. Колхоз Одид бәәх гер ѳгв, үкр хулдж авлгънднь дѳнъгән күргв.

Оди Эрендженевич болн энүнә нѳкд Дзюба Иван—хоюри ик ницнъгъү кѳдлдж йовцхана. Эди дулан, сарул хаша-хаац цармудтан тосхв. Эн хашад 40-шаху цармуд сән чинәтә үвлзджәнә. Цармудан хот, усинь цагтнь ѳгч, данъгин хашагъан цевр бәрцхәнә.

Эн колхозд эклдж кѳдлснәс нааран Оди күч-кѳлснә 400 ѳдр шинъгәв, терүндән 60-гар пуд буудә болн 2500 арслнь мѳнъг авхми.

Чеколдановихн—эцк кѳвүн хойр ончта күч-кѳлсәрн колхозин эдл-аху ѳсклгънд сән дѳнъгән күргдж йовцхана. Эди олц колхозникуд дунд тоомсрта улс болв.

И. БАЗЮК.